



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



1165

1166

1167

1168

1169

891.715

h-90





1153

153


891.710



ՆՈՒՆԻՐ ՄԱՆՈՒԿՆԵՐԻՆ

ՁԶԵՊԿԻՆ-ԿՈՒՊԵՐՆԻԿ


# ԵՕԿԻՆ ԵՒ ԵԱԿԻՆ



Թարգմ. ուսանելից

Շ. ՏԷՐ-ՆԻԿՈՂԱՅՈՍԻԱՆԵՑ

6717




Թ Ի Փ Լ Ի Ս

Տպարան «ՊՐՕԳՐԷՍ» Ընկ. Վելիամին., № 7.

1909


38070 mh



11119000-11119000

ՀԻՄՆԵՆ ԵՎ ԲԱՐՈՒՄ

Հ. ՏԻՆԻՍԻԱՆԻԱՆԻ




21212-60

8133-56



## ԵՅՎԻՆ ԵՒ ԵՆՎԻՆ



դասկերից շի-  
նած երկու  
փոքրիկ փղեր  
էին սոքա—  
այնքան փոք-  
րիկ, որ հա-

զիւ մի մատնոցի չափ էին. բայց բոլո-  
րովին իսկական փղի նման կնճիթները եր-  
կար, ականջները կախուած, փոքրիկ փո-  
չերով և գուրս ցցուած ժանիքներով, մի  
խօսքով այնչափ գեղեցիկ, որ հաճելի էր  
նայել:

Այդ երկու փոքրիկ փղերին շինողը  
ապրում էր Եապոնիայում, մի փոքրիկ,  
շատ փոքրիկ տան մէջ: Տանը համարեա  
ոչ մի կահ կարասի չկար. յատակին գը-

ցած էր յարդեայ գոյնզգոյն փսիաթներ,  
կար և մի քանի կարմիր և սև փայտից  
շինած փայլուն ապիկած աթոռակներ,  
նկարագարդած ոսկեզոյն ծաղիկներով և  
թռչուններով:

Տնեցիք ամենքը նստում էին յատա-  
կին, իսկ ցածիկ աթոռակների վրայ դը-  
նում էին թէյի ճենապակեայ գաւաթները  
և ճաշի ամանները: Յատակը միշտ մա-  
քուր էր, որովհետև ներս մտնողը դրան  
մօտ հանում էր փայտեայ կօշիկները և  
մնում էր սպիտակ գուլպաներով: Սեն-  
եակները մէկը միւսից բաժանվում էին  
ոչ թէ պատերով և դռներով, ինչպէս  
մեզ մօտ, այլ շարժական շիրմաներով,  
որ նոյնպէս նկարագարդած էին գեղե-  
ցիկ նկարներով, և երբ կամենում էին  
սենեակը մեծացնել, կամ փոքրացնել  
տեղափոխում էին միայն շիրմաները:  
Այդպէս տունը ունենում էր այնքան  
սենեակ, որքան պէտք էր լինում: Մահ-  
ճակալներ նոյնպէս չկային, քնում էին  
փսիաթների վրայ, իսկ գլխի տակ դը-  
նում էին ցածիկ փայտեայ բաներ գլխի

համար յարմարեցրած սեղերով: Եապո-  
 նացիք մեզ պէս չեն ճաշում. սեղան չեն  
 դրում, ամեն մէկի համար առանձին  
 ապսէ, դանակ, գդալ, պատառաքաղ և  
 այլն չեն դնում, այլ փոքրիկ գաւաթ-  
 ների մէջ ապիկած փայլուն մատուցա-  
 րաններով բերում են պատրաստի կը-  
 տրտած կերակուրը, որ ուտում են ձո-  
 դիկներով: Մեզ համար այս բոլորը օ-  
 տարոտի է, բայց ամեն մի երկիր ունի  
 իր սովորութիւնները և եապոնացու  
 փոքրիկ տղան Եօկին և փոքրիկ աղջիկը  
 Եակին համարում էին այս բոլորը սո-  
 վորական և շատ կը զարմանային, եթէ  
 նրանց պատմէին, որ ուրիշ երկիրներում  
 երեխաները նստում են բարձր աթոռ-  
 ների վրայ, քնում են ցանցապատ մահ-  
 ճակալների մէջ և ուտում են սուր  
 դանակի և պատառաքաղի օգնութեամբ:  
 Եօկին և Եակին առողջ էին, ուրախ  
 և բախտաւոր: Եապոնիայում շատ են  
 սիրում երեխաներին և մանկութիւնը  
 նրանց կեանքի ոսկէ դարն է: Երեխա-  
 ները տարին մի քանի անգամ ունեն

իրանց սեպական տօները: Այդ տօներին  
 նրանց համար շինուժ են շատ հետա-  
 քրքիր և զուարճալի խաղալիքներ և մե-  
 ծերը շատ սիրով խաղում են փոքրերի  
 հետ և զբաղեցնում նրանց: Այդ տօնե-  
 րին հաւասարապէս զուարճանում են և  
 հարուստը և աղքատը և գործ ունեցողը  
 և անգործը: Եօկիի և Եակիի հայրը  
 թէև զբաղուած մարդ էր—նա քանդա-  
 կում էր և փայտից շինում զանազան  
 բաներ—բայց և այնպէս նա զբաղվում  
 էր և խաղում երեխաների հետ և շատ  
 հետաքրքիր պատմութիւններ պատմում:  
 Նրանց տունը գտնվում էր մի այգում,  
 որտեղ զարնանը ծաղկում էին կեռասը  
 և խնձորը վարդագոյն—սպիտակ ծաղիկ-  
 ներով և շքեղագարդ նուսուֆարը և մա-  
 տուտակը իրանց բոլոր գոյներով: Փոք-  
 րիկ առուն, որ հոսում էր տան մօտով  
 ունէր մի կամուրջ, որի մօտ բուսել էր  
 ստուերախիտ լացող ուռենին: Այս ու-  
 րենու տակը հայրը աշխատում էր, իսկ  
 Եօկին և Եակին պտըտվում էին նրա  
 շուրջը. վիշապ էին բաց թողնում, հօր

շինած նաւակներից մի ամբողջ նաւա-  
 տորմիդ էին կազմում, նաւակների մէջ  
 նստեցնում էին մատուտակներից շինած  
 տիկնիկներ, որոնց թերթիկները յետ էին  
 ծալում շրջագգեստի ձևով: Երբ յոգնում  
 էին խաղալուց, Եօկին և Եակին նստում  
 էին հօր մօտ և նայում, թէ ինչպէս նա  
 փայտից և փղոսկրից քանդակում է զա-  
 նազան իրեղէններ, կենդանիներ, տնակ-  
 ներ, մարդիկ և այլն: Յետոյ մայրը բե-  
 րում էր այդտեղ նրանց թեթև ճաշը, մի  
 փոքր խաշած բրինձ, անուշահոտ թէյ,  
 հիւթալի պտուղներ և այլն: Ճաշից յետոյ  
 հայրը հանգստանում էր, ծխելով իր ծը-  
 խամորձը և պատմութիւններ էր անում  
 երեխաներին:

Մի անգամ նա փղոսկրից քանդա-  
 կեց **Երկու փոքրիկ** փիղ: Որչափ գեղե-  
 ցիկ էին **այդ փղերը**. նրանք հէնց միան-  
 գամից դուր եկան Եօկիին և Եակիին:  
 Կենդանի փղեր նրանք երբէք չէին տե-  
 սել, պատճառ Եապոնիայում փղեր չկան,  
 բայց հայրը պատմել էր, թէ ինչպէս

խելօք կենդանի է փիղը և որչափ բարի,  
չնայելով որ շատ մեծ է:

—Ե՛կ, այս փղերի անուսները դնենք  
Նօկի և Նակի, ինչպէս մեր անուսն է,  
ասաց Նօկին քրոջը:

—Ե՛կ, ուրախացաւ աղջիկը:—Մէյ  
տես, այս, որ մի քիչ աւելի փոքր է  
թող լինի Նակի: Լա՛ւ: Եւ այդ օրից փղ-  
ղեր կոչուեցին Նօկի և Նակի: Նրանք ի-  
րանց փոքրիկ խելօք աչքերով այնպէս  
էին նայում երեխաներին, որ կարծես  
հասկանում էին թէ կրում են երեխանե-  
րի անուսները: Փոքրիկ փղերը լաւ էին  
ապրում: Նրանց դրել էին բամբուկի մի  
գեղեցիկ ձողի վրայ պատուհանի մօտ,  
որտեղից ներս էր մտել խնձորենու ծաղ-  
կած ճիւղը: Անուշահոտ գեփուքը փչում  
էր դէպի ներս և զովացնում փղերին,  
իսկ փոքրիկ մանուկները անդադար շը-  
փում էին նրանց սպիտակ մէջքերը: Փը-  
ղերը կարծում էին, թէ իրանց ամբողջ  
կեանքը այդպէս էլ կանցնի, միշտ միա-  
սին կը լինեն, միշտ այդպէս կը հրճուեն  
երեխաների փաղաքշանքներով և պայ-

ծառ արևի տաք ճառագայթներով: Իսկ  
 լուսնկայ գիշերները, երբ հովտում ամեն  
 ինչ կը քնի, կսկսեն մեղմիկ զրուցել հե-  
 ու ու Հնդկաստանի, իրանց հայրենիքի  
 հրաշալիքների մասին, ուր բուսանում են  
 փառահեղ արմաւենիները և սրբազան  
 Գանգէսի ալիքներում արտացոլվում են  
 լօտոսի կապոյտ ծաղիկները: Այդպիսի  
 գիշերները Գանգէսի ջրերում գնում են  
 լողանալու վայրի փղերի ահագին հօտերը:  
 Եօկին և Եակին շատ հետաքրքրվում  
 էին փոքրիկ փղերի ապագայով և հար-  
 ցնում էին հօրը:

— Հայրիկ, ի՞նչ պէտք է անես Եօկին  
 և Եակին: Նրանք գիտէին, որ հայրը  
 հարուստ չէ և չէ կարող իր բաւակա-  
 նութեան համար նստել և քանդակել:  
 Նա այդ անում էր ծախելու համար և  
 այդ է պատճառը, որ իրանք տուն ու-  
 նեն ծաղկափիթիթ այգու մէջ, հագնում  
 են գոյնզգոյն շորեր և միշտ բրինձ են  
 ուտում ճաշին:

— Ի ու փղերին ո՞ւմ ես ծախելու,  
 հարցնում էին անդադար:

— Հեռու, հեռու երկիրներ, որ գրա-  
նվում են մի քանի ծովերի յետևում,  
իսկ այդտեղից նրանք կը շրջեն ամբողջ  
աշխարհը:

— Իսկ եթէ նրանց յանկարծ բաժա-  
նեն միմեանցից, հարցրեց Եօկին: Այդ  
միջոցին Եակին վախից բարձրացրեց  
նրա վրայ իր սև աչքերը և ասաց.

— Ձի կարելի նրանց բաժանել, Եօկին և  
Եակին շատ են սիրում միմեանց:

Փոքրիկ փղերն էլ երբեք չէին կա-  
րող մտածել, որ կարող են երբ և իցէ  
բաժանուել միմեանցից:







Վերջապէս մի օր  
 եապոնացին վերցրեց ձողի վրայից Եօկիին  
 և Եակիին, որ տանի ծախելու: Փղերը  
 թէև տխրեցին, որ բաժանվում են Եօկիից  
 և Եակիից, սակայն նրանց ուրախացնում  
 էր այն միտքը, որ գոնէ միասին են լի-  
 նելու:

--Մենք երբէք չենք բաժանուիլ, Եօկի:  
 —Երբէք, Եակի:

Ասացին փղերը և իրանց մտքում  
 հրաժեշտ տուին հայրենի տանը և երե-  
 խաներին: Երեխաները չը տեսան, թէ  
 ճրքան տխրութիւն էր պարունակվում  
 փղերի փոքրիկ աչքերի մէջ: Եօկին և  
 Եակին իրանք արդէն շատ տխրել էին,  
 որ բաժանվում են Եօկիից և Եակիից:

Եւ անա մեր փղերին բամբակով փա-  
թաթած դրին մի արկղի մէջ: Նրանք  
այդպէս երկար ճանապարհորդեցին ծովով,  
յետոյ երկաթուղիով: Պառկած մուխ ար-  
կղի մէջ Եօկին և Եակին կամացուկ խօ-  
սում էին միմեանց հետ և աշխատում  
էին ներկայացնել իրանց այն երկիր-  
ները, որոնցով անցնում էին: Նրանք  
այնքան էլ տրտում չէին, բայց և այն-  
պէս շատ ուրախացան, երբ վերջապէս  
դուրս եկան արկղից եւ տեսան իրանց  
ընկած մի ջքեղ լաւ լուսաւորուած խա-  
նութ, որտեղ կային բազմաթիւ խաղա-  
լիքներ և մանր-մուկ առարկաներ: Փը-  
ղերի աչքերը շացան, երբ տեսան այդ-  
չափ զանազան բաներ: Սանութում կա-  
յին և կենդանիներ, և թիթեռներ, և ծա-  
ղիկներ, և տիկնիկներ, մի խօսքով ամեն  
տեսակ բան, ինչ կարելի է երևակայել:  
Նրանք հանդիպեցին և փղոսկրեայ մարդ-  
կանց, ինչպիսին շինում էր եապոնացին,  
և շատ ուրախացան:

—Ա՛, բարև երկրացիք, ողջունեցին  
փղոսկրեայ մարդիկը, ինչպէս երևում է

դուք մեր հայրենի Եապոնիայիցն էք եկել: Պատմեցէք, ի՞նչ կայ այստեղ: Արդե՞ք, ծաղիկները դարձեալ առաջուայ նման ծաղկում են, իսկ մեծ-մեծ հովհարները, ինչպէս թիթեռներ, շարժում են իրանց թեւերը, իսկ սոսիւնների և բամբուկի կանաչի մէջ վառվում են վիշապներով նկարագարդած գոյնզգոյն լապտերները: Փղերը պատմեցին բոլորը, իսկ որ գիտէին և ապա հարցրին:

— Ասացէք, իսկ մենք այժմ ո՞րտեղ ենք գտնվում:

— Ռուսաստանում, Պետերբուրգում: Ինչպէս տեսնում էք այստեղ շատ ցուրտ է և մռայլ: Առաւօտից ճրագները վառվում են: Մենք այստեղ երբէք չենք տեսնում իսկական ծաղիկներ, այլ միայն կեղծ ծաղիկներ և սաստիկ տրխրում ենք: Մենք միայն մտածում ենք, թէ երբ կը լինի այն օրը, որ մեզ կը գնեն և կը հանեն այս բանտից:

— Ինչպէս, դուք այս շքեղ կացարանը բանտ էք անուանում:

— Ա՛յ, սպասեցէք, հէնց որ ձեզ էլ կը

փակեն ապակեայ պահարանի մէջ, դուք  
այնքան էլ ուրախ չէք լինիլ:

Յիրաւի փղերին դրին շուտով պահարանի մէջ: Նրանք այնտեղ շատ երկար մնացին, բայց որովհետեւ միասին էին, այնքան էլ չէին տխրում: Նայում էին, ով է մտնում խանութ, ով է դուրս գալիս, դիտում էին, ով ինչ է գնում և հետզհետէ հրաժեշտ էին տալիս իրանց դրացիներին: Մի գեղեցիկ փոքրիկ աղջիկ գնեց մի կրիայ և շատ ուրախացաւ. մի ինչ որ գիմնազիստ հանդիսաւոր կերպով դուրս տարաւ խանութից մի կոկորդիլոս, մի ծերունի էլ գնեց բոլոր փոքրիկ մարդուկները:

— Իսկ մեզ ով կը գնի, մտածում էին Եօկին և Եակին: Այցելուներից մի քանիսին նրանք հաւանում էին, իսկ մի քանիսին ոչ:

Այ, այդ տիկնոջ մօտ ես ուրախութեամբ կը գնայի, ասաց մի անգամ Եօկին, տեսնելով մի գեղեցիկ տիկին, որ կանգ առաւ իրանց առաջ: Տես ինչ գեղեցիկ հեզահամբոյր դէմք ունի — այս

տիկինը. նա այնպէս արհամարհանքով շէ  
շարտում առարկաները, ինչպէս այն տի-  
կինը, որ երեկ կապիկներ էր գնում:

— Այո՛, նա ինձ էլ է դուր գալիս,  
ասաց Եակին և յանկարծ երկուսն էլ  
վեր թռան: Խանութպանը վերցրեց Եօ-  
կիին և տուեց տիկնոջ: Տիկինը նայեց  
իր գեղեցիկ, խոշոր կապոյտ աչքերով  
ժպտաց և ասաց.

— Խնդրեմ, ահա, այս տուեցէք ինձ:  
Աստուած իմ, այս ինչ պատահեց  
մեր փղերին: Եակին խոր հառաչեց:

— Ինձ էլ, ինձ էլ, բացականչեց Եա-  
կին և այնպէս առաջ ընկաւ, որ մին-  
չև անգամ վայր ընկաւ դարակի վրայից  
և ընկաւ Եօկիի մօտ: Բայց ոչ ոք բացի  
Եօկիից չլսեց նրա աղաչանքները, իսկ  
Եօկին կարողացաւ միայն շրշնջել յու-  
սահատ ձայնով:

— Մնաք բարեաւ Եակի, մնաք բար-  
եաւ յաւիտեան: Եօկիին փաթաթեցին  
թղթի մէջ և տուին տիկնոջը: Տիկինը  
գնաց իր հետ տանելով Եօկիին, իսկ  
խեղճ փոքրիկ Եակին մնաց միայնու-

Թեան մէջ: Եակիին նորից դրին պահա-  
րանը, նա լալիս էր, լալիս անդադար,  
նա ողբում էր իր Թանկագին բարեկա-  
մի կորուստը:

Տիկինը, որ գնեց Եօկիին տարաւ և  
ընծայեց մի ուրիշ տիկնոջ: Վերջինս  
շատ ուրախացաւ և իսկոյն Եօկիին կա-  
խեց իր ժամացոյցի շղթայից: Նա Եօ-  
կիի հետ շատ քնքոյշ էր վարվում և ան-  
ուանում էր գեղեցիկ: Սակայն ինչ  
փոյթ Եօկիի համար տիկնոջ քնքշութիւն-  
ները, երբ ամբողջ ժամանակ նա մտա-  
ծում էր Եակիի մասին:

Մի քանի օր նա այդպէս տառա-  
պեց տիկնոջ շղթայի վրայ, վերջապէս  
վճռեց փախչիլ և գտնել իր ընկերին:  
Մի անգամ օգտուեց դէպքից, երբ տի-  
կինը հիւր էր գնացել և խօսակցութեան  
միջոցին կտրուեց շղթայից և ընկաւ յա-  
տակի վրայ: Տիկինը չը նկատեց: Սա-  
կայն խեղճ Եօկին ճանապարհ չգիտէր,  
նա մոլորուեց, ընկաւ մի անկիւն և մը-  
նաց մթութեան և անյայտութեան մէջ,  
ամենքից մոռացուած:

Տիկինը երբ տուն վերադարձաւ նա-  
յեց շղթային և տեսաւ, որ փիղը չկայ,  
սաստիկ տխրեց և պատմեց այդ մասին  
իր բարեկամուհուն, որից նուէր էր ըս-  
տացել:

— Ոչինչ, ես ձեզ կընծայեմ մի ու-  
րիշը, որ բոլորովին նման է առաջինին,  
մխիթարեց բարեկամուհին, ես տեսել եմ  
այն խանութում մի ուրիշ այն տեսակ փիղ:

8/33-56  
Եւ անհանգստացնելով տիկինը խոշոր  
կապոյտ աչքերով գնաց նորից խանութ,  
որտեղ դարակի վրայ տխուր և միայնակ  
կանգնած էր Եակին: Նրա աչքերը այն-  
պէս պղտորուել էին շատ լաց լինելուց,  
որ մինչև անգամ չըտեսաւ, թէ ով գը-  
նեց իրան: Եակին սառնասիրտ թոյլ տը-  
ուաւ, որ իրան փաթաթեն թղթի մէջ և  
միանգամայն հնազանդուեց ճակատա-  
գրին: Չէ որ նրա համար միևնոյն էր,  
չէ որ այլ ևս չէր տեսնելու իր սիրելի  
ընկերին, մտերիմ Եօկին:

Տխուր և տրտում նայեց Եակին իր  
նոր տանտիկնոջը, ու շատ թիւն չըդար-  
ձնելով կանաչագոյն սենեակի



վրայ, որ լիքն էր ծաղիկներով և մանր  
առարկաներով և սկսեց ապրել այն շրջ-  
թայի վրայ, որից շատ ժամանակ չէր,  
ինչ կտրուել էր Եօկիին:

Տիկինը շուտով գնաց զբօսներու և  
մտաւ այն ծանօթի մօտ, որտեղ կորցը-  
րել էր Եակիին: Ծանօթը ուրախ դիմա-  
ւորեց նրան և ասաց.

— Գիտէ՞ք, ինչ պէտք է ցոյց տամ ձեզ:

— Ի՞նչ, ի՞նչ, ասացէք տեսնեմ:

— Դուք անցեալ անգամ ինձ մօտ  
կորցրիք ձեր փոքրիկ սպիտակ փիղը,  
մենք գտանք բազմոցի անկիւնում:

— Ի՞նչ էք ասում, պատասխանեց  
ուրախ ձայնով տիկինը: — Այժմ ես եր-  
կու փիղ կուենեմ:

Նա վերցրեց փոքրիկ փախստակա-  
նին և հազցրեց շղթային և ինչ զար-  
մանք Եակին տեսաւ Եօկիին և երկուսը  
ուրախութիւնից կարկամեցին:

Մինչ տիկինները զբաղուած էին զը-  
րոյցով, մեր փղերն էլ ժամանակ չը  
կորցրին, իսկոյն պատմեցին միմեանց  
իրանց գլխի եկածը և խօսք չէին զըտ-



նում, թէ ի՞նչպէս արտայայտեն իրանց  
գոհունակութիւնը մի այդպիսի հրաշալի  
և անսպասելի հանդիպումի համար:

Երբ նրանք տուն վերադարձան և  
կանգնեցին կանաչ դարակի վրան, որի  
մօտ կար մի եպոնական շիրմայ ա-  
սեղնագործ ծիծեռնակներով և ծաղիկնե-  
րով, հախճապակեայ մի ծաղկաման վար-  
դապոյն մատուտակով, Եօկին և Եակին  
կարծեցին, որ հեռու հայրենիքումն են  
գտնվում:

Եւ երբ գիշերը լուսինը դուրս եկաւ  
և նայեց լուսամուտից, նա իր փայլուն  
լոյսով լուսաւորեց աշխարհիս երկու ա-  
մենաբախտաւոր փղերին:

Այն օրից Եօկին և Եակին ապրում  
են միասին և այլ ևս երբէք չեն բա-  
ժանուել միմեանցից: Եւ գիշերները,  
երբ ամենքը քնում են, փղերը հան-  
դարտ պատմում են փարթամ Յէյլօնի,  
հրաշալի Հնդկաստանի, գեղածիծաղ Եա-  
պոնիայի և դառնաշունչ մառախլապատ  
Պետերբուրգի մասին:



[ 5 n. )

